

# Nasom terima RM12,950

SUMBANGAN DARI KULIAH  
TUN ABDUL RAZAK KE-10, KPM & YSD

**P**ersatuan Autisme Kebangsaan Malaysia (Nasom) menerima sumbangan sebanyak RM12,950, daripada penganjur Kuliah Tun Abdul Razak Ke-10, iaitu Universiti Ohio, Universiti Teknologi Mara (UiTM) dan Universiti Putra Malaysia (UPM).

Acara ini juga disokong oleh Kementerian Pelajaran (KPM) dan Yayasan Sime Darby (YSD). Hadir di majlis tersebut ialah wakil dari semua universiti dan jawatankuasa penganjur serta penerima.

Sumbangan ini membabitkan pameran terbuka dan penjualan karya seni oleh 40 artis muda dari UiTM, UPM dan YSD.

Pada 30 November lalu, bakat-bakat muda dipilih ini menyertai bengkel seni yang dijalankan oleh Fakulti Pendidikan UiTM dan GESTURZ bertajuk "Synergy of Curiosity: From Acid to Art" yang diadakan di Menara Sultan Abdul Aziz Shah (SAAS) di UiTM.

Naib Canselor Universiti Teknologi Mara,

Prof Emeritus Datuk Dr Hassan Said berkata, tahun ini Nasom menerima sumbangan berikutan diiktiraf organisasi aktif mempromosikan rawatan, pendidikan dan kebajikan golongan autisme.

"Nasom bekerja tanpa mengenal penat lelah untuk memberikan bantuan dan nasihat kepada keluarga mereka mempunyai autisme, menjadi sumber berguna dalam kajian, penyelidikan dan pembangunan metodologi, terapi dan rawatan autisme dan gangguan berkaitan.

"Diharapkan usaha mereka ini membantu golongan autisme untuk mencapai potensi, berpartisipasi dalam komuniti mereka, dan menjalani kehidupan lebih bermakna," katanya semasa penyampaian replika cek, di Canselori UiTM Shah Alam, baru-baru ini.

Hadir sama, Pengerusi Yayasan Sime Darby, Tan Sri Wan Mohd Zahid Mohd Noordin; Presiden Universiti Ohio, Dr M Duane Nellis; Timbalan Naib Canselor Universiti Putra Malaysia, Prof Datuk Dr -Ing Ir



Dari kiri: Wakil UPM, Prof Dr Ahmad Hariza Hashim; Hassan; Feilina; M Duane; dan wakil Taylor's University, Ernesto Carlos Pujazon Patron.

Renuganth Varatharajoo dan Pengerusi Nasom, Feilina S Y Muhammad Feisol.

Dalam pada itu, Hassan berkata, memang ada usaha perlu dilakukan, dan

percaya lebih banyak cabaran masa depan, namun beliau yakin jika semua memberi bantuan, matlamat seperti diusahakan Nasom akan tercapai.